


177642





ORATIO  
GENEROSI  
DN. CHRISTO-  
PHORI PRIEMSKY,


AD

*Serenissimum Regem Suecia*

DN. DN.

CAROLUM  
GUSTAVUM, &c.

D. 29. Aug. Anno MDC LV. in castris  
sub Coto habita.



Impressa Cracoviae:

ANNO 1655. 1.

*od H. Bachowskiego r. 1699*





Erenissime Rex Domine Clementissime, mirati sa-  
 tis non potuit, Serenissimus Rex ac Dominus meus  
 Clementissimus, Joannes Casimirus, eum Senatu  
 suo accepto primo Nuncio, intrasse Exercitum  
 Majestatis Tuæ, Duce V Vitenbergio, Fines Regni  
 sui, tum verò stupere magis etiam cœpit, eum &  
 Personam Regiæ Majest. Tuæ, alio Exercitu stipatam, venisse in-  
 tellexisset. Me igitur, tam Sereniss. Rex meus, quam Senatus ad  
 Tuam Majestatem ablegare voluerunt, ut tandem scire possimus,  
 quis ille sit Affectus & Animi impetus, qui Majest. Tuam eò usque  
 impulerit: Vehementem enim esse oportet, qui nullis hucusque  
 Mediis, non de Pace Tractatibus, non legationibus, in Sueciam  
 missis non Sacris Fœderum, & induciarum vinculis, cohiberi po-  
 tuerit. Ad iram & indignationem non satis causæ videmus: quod  
 enim tantum Facinus, vel Reges nostri, vel Respublica commise-  
 runt, ut tam severâ ultione, illud vindicare Majest. Tuam in Animum  
 induxerit? Nos, Deo Teste, nihil tale scimus: Inducias, semel fa-  
 ctus, sanctissime semper coluimus; Suecis, in Germania Bellum  
 gerentibus, & nostris Rebus Pace tunc florentibus, licet multo-  
 ties, in societatem Belli, contra ipsas, invitaremur, nuncquam pu-  
 blicè nocere voluimus: Antiquior enim Nobis semper fuit fides,  
 quam utilitas publica. Quod si privati aliqui Rebus Cesaris fa-  
 vebant, multi etiam fuerunt, qui Suecis operam suam navarunt,  
 tot Borussia, Livones, Curlandi, Regni Poloniae subditi, tum & ipsi  
 Poloni, nomine prohibente, in Castris vestris militarunt. Testis  
 vel Frater meus Germanus, Sigismundus Prziemsky, benè Majest.  
 Tuæ notus, etiam, tristi hoc bello nostro, nuper à Barbaris, extin-  
 ctus. Vel ego ipse, qui non tantum, sub signis Gustavi illius Magni,  
 Avun-

177642

I 6v



Avunculi M. T. Tyrocinia mea exercui, sed etiam non ita pridem Gallia Regi, Regi Suecia foederato, non contemnendam Polonorum Manum, ad Expugnationem Dunkiarcanam, adduxi: Nec in utilem ut credo, per triennium, operam præstiti. Cancellarii etiam errores, vel alia minutiora, non tanta fuere, ut armis vindicari deberent. Est igitur aliquid aliud: dicerem esse Cupiditatem Divitiarum. Sed scimus, hoc Animi vitium longè à Naturâ M. T. abesse: & ex Regno, tam misero, lacero, & de vastato, quid jam amplius extorqueri potest? Octennium est, ex quo Regnum hoc, Bellis & quidem atrocissimis, affligitur: & quot Anni, tot ferè, Clades, & Exercitus, vel causi, vel dissipati, totque iterùm reparati, quale tandem est Imperium, quod tantis Calamitatibus non succumberet. Quales Thesauri, qui non exhaurirentur? Intrastr, Rex Potentissime, Proviuciam opinionem, scilicet maiorem hanc Poloniam, & ut ab incommodis, Belli remotionem, ita etiam feliciorum. Considera miserorum Hominum Pauperiem, & inde, de aliis, quæ propius malo sitæ fuerunt, vel in quibus Bellum geritur, Judica, quantoperè ex illis Exercitus Tui dilabantur; Nullæ hic urbes opulentæ, non Mercatores divites, non Auri vel Argentum Fodina: Divitiæ nostræ, annui Fructus sunt, & Pecora Campi: quæ omnia, si ab Exereitibus, tam Maj. T. quàm nostris, consumentur; Agricultura cessabit, nec ullæ unquam Contributiones sperandæ; sperandum, imò metuendum, ne Nobis, & Exercitibus Tuis, Fama sit per eundem. Si igitur, nec satis causæ ad Iram, nec multum irritamentum ad Cupiditatem M. T. habeat, suspicari cogimur, M. T. aliis stimulis adactam, ut Nobis Bellum inferret, Famam nempe, & Gloriâ, Vanissimis, Ingenii humani oblectamentis. Sed quæ hæc Gloria? dum Nos cum hostibus immanissimis, pro salute & vita decertamus. Tu, Rex potentissimus, Nos Armis occupas. Si Gloriam vis, veram, non vanam, quare, vera autem erit, si aliena non expetas, suum cuique tribuas. Rumor est apud Nos, velle Te protegere Poloniam: si hoc est, protegas Gentem, contra Hostes.

imma-



immanissimos, Populo libero Libertatem non adimas. Regi, legi-  
 time à Nobis electo, & Tibi sanguine juncto, Regnum serves: tunc  
 verò, non pro Protectore tantum, sed etiam pro Benefactore, ha-  
 bebimus, & Conservatoris Nostri Trophæum Tibi erigemus:  
 majorem consequeris inde Gloriam, quam si amplissima Regna  
 Tuo adjicias Regno. Sed si Regnum hoc vi & Armis M. T. occu-  
 pare in animum induxit, putat ne firmum hoc fore Imperium &  
 Suecis posse jungi Polonos. Disjunctissima hæc sunt Regna, divisit  
 Natura Mari, dissociauit Instituto, Religione, Legibus, Moribus,  
 Habitu, Lingua. Hi Populi, nullâ re sibi similes, nisi Ferociâ, dissi-  
 diorum omnium fomite. Viigitur, partum Imperium, bonis Ar-  
 tibus administrari posse, M. T. non speret, sed semper ad secures &  
 supplicia, recurrendum erit. Quæ verò hæc Gloria, ex Principe  
 benigno & clemente, mutare incrudelem, & truculentum Domi-  
 num? Aliam ergò, Magnanimo Princeps, ingredi Gloriæ viam,  
 & nobis parce: Jam Pacem petimus omnes, deprecamur Bellum,  
 & quid à Nobis M. T. postulet, ut aperiat, rogamus: Nos Maje-  
 stati, Tuæ in omnibus satis facere satagemus: gradum tantum si-  
 stat, cum Armis ulterius non progrediatur, & de Pace, toties  
 oblatâ, nobiscum tractare, non de-  
 dignetur.



